



Broj: 12-30-2-3520-1/22
Sarajevo, 2. 12. 2022. godine

Na osnovu člana 21. stav 1. i člana 32. Zakona o reviziji institucija u Federaciji Bosne i Hercegovine („Službene novine Federacije BiH“, broj: 22/06), člana 10. Pravilnika o radu u Uredu za reviziju institucija u Federaciji Bosne i Hercegovine, broj: 09-02-1213-4/16 od 24.05.2017.godine - prečišćeni tekst i Odluke o raspisivanju oglasa broj: 12-30-2-3520/22 od 2. 12. 2022. godine, raspisuje se

OGLAS

za popunu upražnjenog radnog mjesta u Uredu za reviziju institucija u Federaciji Bosne i Hercegovine

I RADNO MJESTO:

TEHNIČKI SEKRETAR, 1 (jedan) izvršilac za rad na neodređeno vrijeme

Opis poslova: vrši poslove iz nadležnosti Kabineta generalnog revizora i to: primanje i osiguravanje cjelokupne pošte koja je upućena generalnom revizoru i zamjeniku generalnog revizora; obavlja operativno - tehničke poslove po nalogu generalnog revizora i zamjenika generalnog revizora; stara se o protokolarnim obavezama generalnog revizora i zamjenika generalnog revizora; organizira sastanke generalnog revizora i zamjenika generalnog revizora i priprema potrebne materijale za iste; uspostavlja, odnosno posreduje u uspostavljanju telefonskih veza za potrebe generalnog revizora i zamjenika generalnog revizora; stara se o blagovremenom i efikasnom izvršavanju poslova i zadataka iz nadležnosti Kabineta generalnog revizora; prima i vodi evidenciju povjerljive pošte i arhivira istu; čuva službene spise i drugu dokumentaciju koja se odnosi na rad Kabineta generalnog revizora; vrši prepis rukopisa i računarsku obradu materijala za potrebe generalnog revizora i zamjenika generalnog revizora; otprema putem telefaksa službena akta, dokumente i druge pisane materijale za potrebe generalnog revizora i zamjenika generalnog revizora; vodi evidenciju o prisustvu zaposlenih na poslu i druge evidencije koje su neophodne za ostvarivanje funkcije generalnog revizora; obavlja i druge poslove i zadatke po nalogu generalnog revizora i zamjenika generalnog revizora.

II OPĆI USLOVI

Kandidati treba da ispunjavaju opće uslove predviđene članom 33. Zakona o reviziji institucija u Federaciji Bosne i Hercegovine („Službene novine Federacije BiH“, br. 22/06) i to:

- a. da je državljanin Bosne i Hercegovine;
- b. da je stariji od 18 godina;
- c. da ima odgovarajuće obrazovne i stručne kvalifikacije;
- d. da je zdravstveno sposoban (za obavljanje poslova radnog mjesta na koje se prijavljuje);
- e. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini tri godine prije podnošenja prijave za zaposlenje;
- f. da se protiv njega ne vodi krivični postupak, niti da je pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju, u skladu sa Krivičnim zakonom;
- g. da nije obuhvaćen odredbama člana IX.1. Ustava Bosne i Hercegovine.

III POSEBNI USLOVI

Pored općih uslova kandidati moraju ispunjavati i posebne uslove predviđene Pravilnikom o unutrašnjoj organizaciji i sistematizaciji radnih mjesta u Uredu za reviziju institucija u Federaciji Bosne i Hercegovine i to: SSS završena gimnazija, ekonomska ili poslovno - komercijalna škola smjer poslovno – pravni tehničar, položen stručni ispit za namještenike organa uprave i službi za upravu, najmanje jedna godina radnog iskustva na sličnim poslovima, znanje engleskog jezika, najmanje nivo A2, odlično poznavanje rada na računaru.

IV POTREBNI DOKUMENTI

Uz uredno popunjen i svojeručno potpisan prijavni obrazac za oglas Ureda za reviziju institucija u Federaciji

Bosne i Hercegovine, koji se može dobiti u prostorijama Ureda za reviziju institucija u Federaciji Bosne i Hercegovine (u daljem tekstu: Ured za reviziju), ili na web-stranici Ureda za reviziju, www.vrifbih.ba, kandidati su dužni priložiti originale ili ovjerene fotokopije slijedećih dokumenata:

1. uvjerenje o državljanstvu BiH (ne starije od šest mjeseci);
2. izvod iz matične knjige rođenih;
3. ljekarsko uvjerenje o zdravstvenoj sposobnosti (ljekarsko uvjerenje o zdravstvenoj sposobnosti dostavlja samo kandidat koji odlukom generalnog revizora bude izabran. Izabrani kandidat uvjerenje o zdravstvenoj sposobnosti dostavlja po okončanju oglasne procedure, a prije stupanja na rad);
4. uvjerenje da se protiv kandidata ne vodi krivični postupak izdato od nadležnog suda (ne starije od tri mjeseca);
5. uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova, (dostavlja se po okončanju oglasne procedure, a prije stupanja na rad, ne starije od tri mjeseca);
6. izjava kandidata da nije obuhvaćen odredbama člana IX.1. Ustava Bosne i Hercegovine, ovjerena od strane nadležnog općinskog organa;
7. izjava kandidata da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini tri godine prije podnošenja prijave za zaposlenje, ovjerena od strane nadležnog općinskog organa;
8. diplomu o završenoj gimnaziji, ekonomskoj ili poslovno – komercijalnoj školi smjer poslovno – pravni tehničar- SSS;
9. uvjerenje o položenom stručnom ispitu za namještenike organa uprave i službi za upravu (dostavlja samo izabrani kandidat u toku trajanja probnog rada, a najkasnije u roku od šest mjeseci od zasnivanja radnog odnosa);
10. potvrda o traženom radnom iskustvu, (potvrda treba da sadrži opis i vrstu poslova koji su obavljani na sličnim poslovima u periodu od najmanje jedne godine);
11. dokaz o o poznavanju rada na računaru;
12. dokaz o poznavanju engleskog jezika, najmanje nivo A2.

V NAPOMENE

Mjesto rada je Sarajevo, ulica Ložionička broj 3.

Proces izbora po ovom Oglasu provest će se u skladu sa odredbama člana 34. Zakona o reviziji institucija u Federaciji Bosne i Hercegovine („Službene novine Federacije BiH“, br. 22/06) i internim aktima Ureda za reviziju.

Izabrani kandidat pozvat će se da u primjerenom roku, a prije zasnivanja radnog odnosa u Ured za reviziju, dostavi uvjerenje o zdravstvenoj sposobnosti za obavljanje poslova radnog mjesta i uvjerenje da kandidat nije pravomoćno osuđen na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova. O rezultatima Oglasa, kandidati će biti obaviješteni dostavom odluke o izboru i prijemu izabranog kandidata u Ured za reviziju. Sa izabranim kandidatom ugovorit će se probni rad, koji može trajati najduže šest mjeseci.

Ako se na Oglas ne prijave osobe koje ispunjavaju propisane i objavljene uslove iz Oglasa, ili iz nekih drugih opravdanih razloga, generalni revizor može obustaviti postupak izbora po ovom Oglasu.

Sažetak Oglasa se objavljuje u dnevnim novinama „Dnevni avaz“ i „Večernji list“ a cjeloviti tekst Oglasa objavljuje se na web stranici Ureda za reviziju, www.vrifbih.ba

Prijavu na ovaj Oglas, sa svim potrebnim dokumentima dostaviti najkasnije u roku od 30 dana, od dana posljednje objave ovog Oglasa, lično ili preporučenom poštom, na adresu:

**„Ured za reviziju institucija u Federaciji Bosne i Hercegovine“
Ul. Ložionička br. 3,
71000 Sarajevo**

Na koverti sa prijavom obavezno naznačiti: „Prijava na Oglas - ne otvarati“.

Na poleđini koverta navesti ime i prezime podnosioca, adresu i kontakt telefon.

Nepotpune, neuredne i neblagovremene prijave neće se razmatrati.

U skladu za Zakonom o reviziji institucija u FBiH, Ured za reviziju nema obavezu vraćanja zaprimljenih prijava na Oglas.